



বাংলাদেশ কড়চা - ২

ডঃ মোহাম্মদ আবদুর রায়যাক

১

‘মাইনাস টু’ তত্ত্ব নিয়ে কেয়ারটেকার সরকার
ব্যস্ত বড়। ভাবনা তাদের দেশ গড়তে দরকার
দক্ষ এবং সৎ নেতাদের, সন্ত্রাসী, চোর, ডাকাত নয়;
এমন মানুষ, যাদের হাতে সত্য ন্যায়ে মশাল রয়।

২

এক মাইনাস ম্যাডাম জিয়া, মহা চশমখোর;
ভাই, ভাগিনা, ভাস্তে, ছেলে - গুপ্তিশুদ্ধ চোর!
তাহার যত আমলা-ফয়লা, মন্ত্রী, চামচা খাস,
সবাই মিলে বাংলাদেশের করলো সর্বনাশ।
তারেক, কোকো, সাইদ, শামীম, তুহীন, বাবর, ফালু,
মামুন, আমান, মওদুদ আর হারিস, মহা চালু
ব্যানা হুদা, সাকা, লবি, পটলরা সব মিলে
বানিয়ে মহা চোরের পার্টি দেশটারে খায় গিলে।
সন্ত্রাসী আর চাঁদাবাজি, জমি দখল, ঘুষ;
পাহাড় কিংবা নদী চুরি, নাই কিছুতেই হুঁশ।
করছে চুরি বন জঙ্গল, হরিণ, দুধেল গাই,
সি এন জি পাম্প, বিমান, রিলিফ, কিছুরই ছাড় নাই।
করছে চুরি জাতির গর্ব, দেশের ইতিহাস,
‘দেশনেত্রী’র এই চেহারা? এমনি প্রতিভাস?

একেই প্রধান রেখে যারা দলের রিফর্ম চান,
আপনারা সব মহাপুরুষ, জলদী পাবনা যান।
এই মহিলা আবার পেলে দেশের শাসনভার,
ন্যায় নিধনে করবে কায়েম সন্ত্রাসী সরকার।

৩

দুই মাইনাস শেখ হাসিনা, তার দলেরই লোক
বলছে কিনা দলের মাঝে রিফর্ম কায়েম হোক।
তার মানে তো দলপ্রধানের সব ক্ষমতা হ্রাস;
R-A-T-S* কি তবে করতে চাইছে তাহার সর্বনাশ?

‘গণতন্ত্রের মানসকন্যা’ নাম কি তাহার নয়?
তিনিই দল, ভাবতে ওদের কষ্ট কেন হয়?
‘জননেত্রী’ নন কি তিনি? কি বলতে চায় তারা?
আছে কি এই দলের শক্তি শেখ হাসিনা ছাড়া?

* রাজ্জাক (R), আমু (A), তোফায়েল (T) এবং সুরঞ্জিত
সেনগুপ্তকে (S) ইদানীং একসঙ্গে R-A-T-S নামে চিহ্নিত করা হয়।

সিডনী, জুন ২২, ২০০৭

আগের ছড়াটি পড়তে এখানে [টোকা মারুন](#)